

9
1016

REGVLA
MINISTRIB.
SVBMINISTRIB.

Procuratore Generale, & Procurator
curie Domus, & Collegij.



VENETIS, M. D. LXXX.
Cum facultate Imperatoris



REGVLAE MINISTRI.



Ivs officium erit Præpositum, uel Rectorem iuuare in ijs, quæ in genere, uel in particulari ei commendabit: nec dispensandi, aut mutandi, aut quidquam faciendi, nisi ex eiusdem præscripto, facultatem habebit.

2 Valde commendatum sibi existimet quod pertinet ad obseruationem constitutionum, regularum, ordinum communium, & approbatarum consuetudinum domus, uel collegij: ideoque habeat in scriptis, & aliquando legat tam communes omnium, quam particulares superioris, & officialium regulas, & eosdem officiales suas habere, intelligere, atque obseruare curet.

3 Officiales uisitet quoties opus fuerit, obseruando quomodo suum officium exequantur, quod saltem alternis diebus faciet. frequenter etiam uisitabit cubicula, & alia loca domus, ut uideat, quomodo omnia habeant.

4 Cum quis ab officio aliquo amouetur, curet, ut is suum successorem instruat de ratione exercendi

illud iuxta regulas, & consuetudines à Superiore approbatas.

5 Animaduertat in temporum mutationibus, quomodo in collegio, uel domo fieri debeat horarum, ciborum, uestiumque mutatio, & Superiori in memoriam reducat, præsertim bis in anno, sub initium ueris, & autumni, obseruet etiam crebro, num aliquid desit ex necessarijs, aut abundet; eorumque potissimum rationem habeat, qui in corporis cura minorem de seipsis sollicitudinem gerunt, curetque, ut adsit, cum medicus agrotos inuiser.

6 Quotidie hora sibi designata de rebus omnibus domus rationem Superiori reddat à quo excipiet in libello ad id parato, quæ ei facienda committet, & cum primum commode poterit, eidem referat, quæ executus fuerit.

7 Redigat Superiori in memoriam ea, quæ necessaria domui iudicabit, ut de coemendis rebus ad victum, & uestitum necessarijs suis temporibus, de fratrum nimio, aut exiguo labore, de sanitate, & similibus.

8 Notet, ac referat Superiori tam defectus, si quos uel domi, aut in collegio animaduernerit, uel aliunde intellexerit, quam quocunque alia, quæ ad bonam gubernationem conuenientia ei occurrent, tum etiam circa res sibi commissas, & quasuis alias ut quomodo se nostri habeant circa obedientiam, orationem, adificationem, & in omnibus uirtutibus

bus profectum, & studium.

9 Si quis intra tempus designatum ad confessionem, aut communionem non accederet, intelligat a Superiore num subtrahendus ei sit cibus corporis, donec cibum spiritus sumat.

10 Peculiarem habeat curam, ut domus munda sit, & omnia ubique decenter suis locis composita, sed præcipue in ijs, quæ ab externis uideri solent.

11 Noctibus singulis portas domus, quibus in publicum exitur, uideat an bene clausæ sint.

12 Designet aliquem ex commissione Superioris, qui communes lucernas domus opportuno tempore incendat, & extinguat; qui item publicas fenestras suo tempore aperiat, & claudat, ac pro abluenda facie, & manibus in loco destinato aquam infundat, & mantilia pro extergendis adhibeat; quæ alia Sacerdotibus, alia non Sacerdotibus destinata erunt; & bis in hebdomada mutantur.

13 Studeat animos patrum, & fratrum inter se per beneuolentiam, & præsertim cum Superiore per obedientiam unire, & si quid minus æquo animo aliquis ferret, uelit potius in se (quoad fieri potest) quam in Superiorem causam reijci ueluti in iniungendis pœnitentijs, quas ipse iuxta præscriptum Superioris imponet, & tam in eis, quam in reprehensionibus, ab animi perturbatione caueat, carita-

A 3 temque

temque praesferendo studeat, ut illi, quibus poenitentias imponet, merito sibi iniungi cognoscant.

14 Si quando absente Superiore aliquid acciderit, quod adeo urget, ut commode Superior expectari nequeat, id Minister, auditis consultoribus, exequi poterit, quamuis in specie non sit ipsi commissum; dummodo existimet iuxta Superioris mentem id fore, statimque redeunti quod factum fuerit, referat. Quod autem sibi ordinarie agendum erit, absente Superiore, ab eo curet intelligere.

15 Si subministrum habuerit, utatur eius operam in ijs, quae commode per se facere non poterit, iuxta praescriptum Superioris: si uero non habuerit, alternis saltem diebus singula cubacula uisitet, & alia quae in officio subministri continentur, suppleat.



REGVLAE S V B M I N I S T R I .



SUBMINISTER est instrumentum Ministri, & aliorum superiorum ad res particulares obeundas, & executioni mandandas.

Nihil

2 Nihil ordinat, sed tantum est executor, & exactor actionum domesticarum, iuxta modum, & ordinem sibi a superioribus præscriptum.

3 Est eius præcipua cura, ut omnia, quæ attinent ad culinam, refectorium, penum, cellam uinariam, & aquariam bene, & ordine, & tempore suo parata sint, & ministrantur; uideatque ut cubicula sint decenter composita, quæ alternis saltem diebus uisitabit.

4 Curet, ne nostri per domum, uel collegium vagentur, uel intempestiue colloquantur, ac denique, ut unusquisque in suo officio uersetur, & contineatur.

5 Referet de omnibus rebus quotidie ad Ministrum: ad Præpositum uero, uel Rectorem, quoties eis uisum fuerit,

6 Nullam iniunget pœnitentiam, sed de defectibus domesticis admoneat Ministrum, uel alium Superiorem: poterit tamen impositas pœnitentias nomine alicuius Superioris alijs denunciare.

7 Erit Superior nostrorum, qui Sacerdotes non sunt: Sacerdotibus tamen aliquid iniungere poterit nomine alicuius Superioris.





R E G V L A E

P R O C V R A T O R I S

G E N E R A L I S .



IN omnium negotiorum tractatione perpetuo memor sit instituti Societatis, quæ Dei omnipotentis gloriam quærens, profectui animarum inuigilat: Ipse igitur uerbo, & exemplo eos omnes edificet, quibus cū uersatur, & in his, quæ ad officium suum spectant, ^a fidelitatem, prudentiam, & dexteritatem habere studeat; atque eos sibi beneuolos conseruet, quorum opera ad negotia peragenda indiget.

a P. 9. c. 6.
S. 12.

T. 9. c. 6. 2 Adeum pertinent negotia omnia ad expeditio
S. 12. & nes, lites, & quosuis contractus sibi à Generali com-
P. 4. c. 2. missos ineundos spectantia, quæ ad uniuersæ Societa-
lit. E. tatis collegia, uel domos eius, uel etiam ad particu-
lares personas pertinebunt.

3 Superintendat non solum ijs, quæ Procuratore, & sollicitatore externo curantur, sed etiam socijs, qui illi dabuntur adiutores, quod ad negotia attinget, et si qui Romæ fuerint Procuratores Societatis rerum particularium, uel etiam Pr uinciarum

ab

ab ipso dirigentur, prout Generali uidebitur.

4 Nihil, quod ad expeditiones, lites, aut grauiora negotia pertineat, incipiet agere, nisi à Præposito Generali, per se uel per alium approbatum sit, & ei commissum, ut exequatur; quod si Generalis rem consultatione indigere iudicabit, sollicitet, ut mature de ea statuatur, præcipue si res festinatione egere uideatur: si quid autem ex ijs, quæ statuuntur, ipsi uideretur non conuenire, proponat suam sententiam, & rationes, quibus mouetur.

5 Curet diligenter, ut recte, & solide fiant, quæ expedienda, uel alia ratione agenda erunt: quod si periti iuris, aut curiales consulendi sint, maxime idonei eligantur. idem de officialibus, per quos res est transigenda, intelligatur.

6 Conferat cum Præposito Generali, eique reddet rationem eorum, quæ facit, & quo in statu sint negotia, aut illi, qui à Præposito designabuntur: quod si rerum difficultas extraordinarium fauorem, aut diligentiam exigere uideatur, eidem significet, & auxilia, quæ opportuna uisa erunt, petat.

7 Rationem quoque reddet status negotiorum, eorumque prosecutionis, uel expeditionis ijs, qui de negotijs scribunt; suas uero literas legendas dabit illi Assistenti, ad cuius Prouinciam negotia pertinebunt.

8 Rationum libros conficiat, in quibus sigillatim

omnia

omnia, quæ recepit, scribantur, & quas pecunias quibus in rebus expenderit, ut tam clara, & distincta ratio dati, & accepti sit, ut ipso etiam absente supputari possit, quid singulæ Prouinciæ, domus, collegium, aut particulares personæ dederint, aut debeant Procuratori, aut quid eis à Procuratore debeatur. quod ut commodius obseruetur singulis saltem annis ad Natiuitatis Dominicæ festum rationum omnium summam colliget, & scribet, atque ad eos, quorum intererit, mittet; si quid autem pecunia supererit, eisdem significabit, ut pro ipsorum arbitrio de ea disponatur.

9 Librum habeat, in quo scribat beneficia omnia ecclesiastica, quæ singularum Prouinciarum collegijs sunt unita, & horum etiam catalogum, ubi tempus in quo fuit facta unaqueque unio, & ualor etiam annotetur, animaduertatque, ut antequam adueniat dies præscriptus soluendi quindennia, Regentes collegiorum, ad quæ huiusmodi uniones pertinent, diligenter admoneat ut opportuno tempore pecunias Romanam mittant.

Par. 4. c. 2.
lit. E

10 Curet, ut à Prouincijs mittantur pecuniæ, quas contribuere debent ad sumptus necessarios in Procuratores, & cum opus fuerit, in Aduocatos, lutores litterarum, & alios similes faciendos; utque Romæ sint eo tempore, quo illis sunt soluendæ, eademque diligentia, quæ sibi deberi ex libro rationum colliget, ut reddantur, curabit.

Cum

11 Cum pecunia Procuratori ad negotia conficienda transmittetur, si tantum litera bancharia, quæ de credito dicuntur, mittantur, nihil capiat, nisi quantum, & quando pro negotio conficiendo opus erit. si uero bancharia littera ad certam aliquam summam, quæ iam alibi soluta est, capiendam missa fuerint, & ea ipsa iam iam ad negotia expedienda erit necessaria, ne tum quidem à mercatore, præsertim locuplete, & spectatæ fidei educatur, donec numeranda sit; si uero non tam cito erit necessaria, uel de fide mercatoris, non tam certo constaret, primo quoque tempore ab eo accepta pecunia, eam reponat in arca sub duplici clauis, quarum alteram ipse, & alteram diuersam socius habeat.

12 Scripturas, bullas, & breuia authentica, quæ in Archivio conseruantur, non nisi exigente necessitate accipiet; acceptas uero, quam primum commode poterit, reddet; ceteras autem scripturas, procuratoria instrumenta, literas negotia continentes, quandiu necessaria fuerint; & demum quæcunque ad officium eius pertinent, & quæ nec perpetuo necessaria sunt, nec semper seruanda erunt, ipse custodiat ordinate, & distincte, facto eorum omnium inuentario cubiculumque, sit clauis obseratum.

13 Informationes ad se missas in omnibus expeditionibus habeat præ oculis, ut ad eas omnino supplicationes conformentur; deinde animaduertat, ut bulla, & breuia, quæ expediuntur, cum supplicationibus

tionibus concordent.

14 In librum referat summam omnium negotiorum, quæ ei commendantur, resque maioris momenti, quæ in eorum progressu peragentur, ibidem breui, ac dilucido ordine conscribat.

15 Exempla literarum, quas ad varias Prouincias, & loca scribat de negotijs, in librum peculiarrem referat, & cum memorialia, informationes, supplicationes, vel alia scripta alicuius momenti alijs dabit, exemplum eorum apud se seruet.

16 Regulas Cancellarij habeat, bullasq; & breuias, quæ à Sum. Pont. fiunt, emat; in eisq; animaduertat, quid noui contineatur. Quod si in cænâ Domini Bulla aliquid adderetur, aut mutaretur, eam statim ad omnes Prouincias, transmittat: Motus etiam proprios vniuersales, conscio tamen Præposito Generali, Prouincialibus mittet.

17 Cum intelliget Præpositum Generalem obedientiam præstare velle creato nouo Pontifici, in memoriam illi redigat, an expediat ab eo impetrare confirmationem gratiarum, & priuilegiorum Societatis.

18 Subditus sit Superioribus Collegij: præter quàm in ijs, quæ ad sui officij executionem spectant.

19 Illud vero præcipue ante oculos habeat, vt an tequam litem ulla intendat, res controuersa (si fieri possit) concordia, aut compromissione componatur: si quando tamen necessario ad litem descendendum

dum erit, memor sit, vt magnam pacem interius, exteriusque custodiat, & semper ad iustam concordiam se paratum esse contrariae parti innotescat.



REGVLAE PRO-
CVRATORIS DOMVS
PROFESSAE.

IN omnium negotiorum tractatione perpetuo memor sit instituti Societatis, quae Dei omnipotentis gloriam quaerens profectui animarum inuigilat, curet igitur ipse verbo, & exemplo praeserim humilitatis, & patientiae eos omnes edificare, quibuscum conuersatur, atque eos sibi bene volos conseruare, quorum opera ad negotia peragenda indiget, & cum oportuerit, de instituti nostri ratione illos informet.

2 Querat diligenter eleemosinas, easque simplici P. 6. cap. ter, & amore Domini petat, nec non & eas augere, 2. S. 10. ac conseruare studeat, opportuneque eos visitet a quibus petendae erunt.

3 Habeat catatogum eorum, qui ordinarie, & extraordinarie eleemosinas faciunt, & de his certiozem

certiorem faciat Spueroiem, ac videat ne sua negli-
gentia aliquos prætermittat, quorum beneficio
domus inuari possit.

4 Animaduertat, quid à quibus petere debet,
iuxta id quod vnusquisque facilius & commodius
suo tempore dare possit, & caueat ne in perendis
elemosinis gravis, vel molestus externis sit, ita
ut ad eos cum oportuerit, gratus semper pateat adi-
tus nostrorum.

P. 6. ca. 2.
§. 10.

5 Habeat socium à Superiore designatum, cu-
ius opera vtatur in his, quæ ad suum officium perti-
nent, præter alium (vbi opus erit) qui in virtute,
& conuersatione probatus possit elemosinas ordi-
narias per domos colligere.

6 Procuratoris erit quascunque elemosinas re-
cipere, & quacunque afferuntur domum in libro
quodam ad id designato quotidie scribere.

In ex cap.

I. S. 3. &

P. 6. ca. 2.

§. 6. & 7.

7 Videat in quærendis, vel admittendis eleemo-
sinis ne præiudicium fiat puritati nostri instituti,
quod attinet ad eius ministeria gratis omnino exer-
cenda.

8 Pecunia, vndecunq; prouenerit, in arca re-
ponatur ad id designata; huius Præpositus clauem
vnam, & ipse Procurator alteram diuersam custo-
diat; in eadem liber afferuabitur, in quo scribetur
pecunie summa tam eius, quæ infertur, quam
eius, quæ effertur; si quando autem cogente ali-
qua necessitate pecunia in arcã non inferretur, nihi-
lomi-

lominus accepti, & expensi summa semel in hebdomada in eodem libro scribatur, ac si in ea reponeretur.

9 Quoties ex arca pecuniam accipiet, eius summam, & diem in libro suarum rationum adscribat; in altera vero parte libri, expensivatio constet.

10 Procurator in libro ad hoc designato, quem penes se habere debet, scribat omnia, quæ unusquisque nouitiorum domum attulerit cum eiusdem subscriptione, & ea Custodi vestium asseruanda tradet, nisi sit pecunia, quam separatim custodiet in arca, ubi pecunia domus reponuntur, donec, biennio expleto, nouitiis consueta vota Societatis emittat.

In ex. c. 4.
S. 4. & P. 8
c. 4. S. 6.

11 Singulis mensibus dati, & accepti rationem Superiori reddet, & debita etiam indicabit, quo ipse domus statum prorsus intelligat.

P. 4. cap. 2.
S. 5.

12 Diligenti cura asseruabit in archiuio ad hoc designato instrumenta originalia, & titulos, quibus constat de iure eorum, quæ domus ad usum, & propriam habitationem possidet, suis locis reposita, ut facile inueniri possint.

13 Item seorsum habebit hæc eadem instrumenta, & titulos manu Notarij publici subscripta, ut fidem faciant si aliquando in iudicio presentari necesse sit; archiuij autem duæ clauæ diuersæ erunt quarum alteram Præpositus, alteram ipse habebit Procurator.

14 Præter hæc Procurator librum habebit, in quo

quo summa quadam horum instrumentorum, & titulorum contineatur; cum autem contractus maioris momenti, præsertim rerum perpetuarum sient, redigat in memoriam Præposito ad archiuum, quod est in urbe penes Præpositum generalem, eorum exēpla authenticamittenda esse.

15 Cubiculum clauis obseratu n habeat, & aseruat scripturas, quibus ad procuratorium munus indigebit, cumque aliquas ex archiuo accipiet, earum in libro, qui in eodem archiuo erit, annotato die, mense, & anno, memoriam relinquet, quas, cum suo tēpore restituet, & ex eodem libro expūget.

16 Cū toti domui necessaria providere ipse debeat, iuxta Superioris ordinem, curet, ut res omnes præcipue diu duraturæ, quam opportune emantur, ne aut non perinde bonas, aut non æquo pretio cogatur comparare; caueat etiam ne, dum nimium pecuniam parcat, non bonas, aut insalubres res emat.

17 Emptori pecunias ad quotidianos sumptus subministrabit, a quo singulis diebus expensarum exiget rationem ex codice; summam uero in librum suū ipse referet.

18 Videat num ea, quæ empta sunt illa sã conseruentur, atq; animaduertens aliqua, non ut oportet, cõseruari, aut expendi Superiorē, uel Ministrū admoneat.

19 Si quid uendendum uideretur, id Procurator sine facultate Superioris ne faciat.

REGV-



REGVLAE

PROCVRATORIS.

Collegij, & Domus Pro-
bationis.



N omnium negotiorum tractatione perpetuo memor sit instituti Societatis, quæ Dei omnipotentis gloriam querens, profectui animarum inuigilat. Curet igitur ipse verbo, & exemplo eos omnes edificare, cum quibus conuersatur, atque eos sibi beneuolos conseruare, quorum opera ad negotia peragenda indiget.

2 Procuratoris erit conseruare res temporales suæ curæ commissas, & eas curare, tanquam bona propria D. N. Iesu Christi. cum autem toti collegio necessaria prouidere ipse debeat, iuxta Superioris ordinem, ad eum pertinebit prouentus quoscunque collegij, vel Domus probationis, & eleemosynas, ubi petendas à Rectore intellexerit exigere, ac recipere: Syngraphas vero solutionis, quando opus erit, ipse dabit subscriptas à Rectore, aut à se, illius commissione.

3 Omnes Collegij prouentus, & tempora, quibus colligendi sunt, in peculiari libro scribet, &

B

P. 3. 0. 2.
§. 7.

seorsum summam contractuum, & locationum seorsum, etiam quasunque res, aut pecunias ex fructibus collegij perceperit, addito à quibus, & quando ea prouenerunt, eleemosynæ autem alio in loco scribantur.

P. 4. c. 2. 4 Singulis mensibus dati, & accepti rationem Reſtori reddet, debitaque, & credita Collegij indicabit, quo ipse domus statum profusus intelligat.

S. 5.

5 Pecunia, undecunque ea prouenerit, in arca reponetur ad id designata; huius Reſtor clauem unam & ipse Procurator alteram diuersam custodiat, in eadem liber asseruabitur, in quo scribetur pecuniae summa, tam eius, quæ insertur, quam eius, quæ effertur, si quando autem cogente aliqua necessitate pecunia in arcam non inferretur, nihilominus accepti, & expensi summa in eodem libro statim scribatur, ac si in ea re oneretur.

6 Quotie & arca pecuniam accipiet, eius summam, & diem in libro suarum rationum adscribat, in alia vero parte libri, expensi ratio constet.

In ex. c. 4.

S. 4. & p. i.

c. 4. S. 6.

7 Procurator in libro ad hoc designato, quem penes se habere debet, scribat omnia, quæ unusquisque Nouitiorum domum attulerit cum eiusdem subscriptione, & ea custodi vestium asseruanda tradet, nisi sit pecunia, quam separatim custodiet in arca, ubi pecuniæ Collegij reponuntur, donec, biennio expleto, Nouitius consueta vota Societatis emittat.

8 Emptori pecunias ad quotidianos sumptus sub-

ministra-

ministrabit, à quo singulis diebus expensarum exiget rationem ex codice; summam verò in librum suum ipse referet.

9 Curet, vt res omnes, præcipuè diu duraturæ, quam opportunè ematur, ne has non perinde bonas, aut non æquo pretio cogatur comparare: caueat etiã ne dum nimium pecuniæ parcat, non bonas, aut insalubres res emat.

10 Videat, num ea, quæ empta sunt, illa sã conseruentur, atque animaduertens aliqua, non vt oportet conseruari, aut expendi, Superiorem, vel Ministrum admoneat.

11 Aduertat, num ea, quæ à Collegio possidentur, reparatione indigeant. seu domus, seu prædia, seu quiduis aliud, vt ad Superiorem referat: si quid autem vendendum videretur, eodem inconsulto, ne faciat.

12 Omnia, quæ speciem habent secularis negotia *Cã. 70. tr. tionis, in colendis videlicet agris, vendendis in foro. cong. fructibus. & similib. intelligat prohibita esse nostris.*

13 Nihil quod ad locationes, contractus, aut debita contrahenda, aut alia alicuius momenti negotia pertineat facit nisi ipsi à Superiore commissum sit; si quid autem ex ijs, quæ iubentur, ipsi videretur non expedire, eidem proponat modeste suam sententiam, & rationes, quibus moueatur.

14 Excipiet in codicem lites, si quæ forte erunt, & quæ grauioris momenti circa eas fient continenter, & summam annotabit.

15 In tribunalibus Iudicum non compareat, nisi quando aliqua necessitas plurimum urgere Superiore videretur; sed per externos Procuratores nostra negotia in publicis iudicijs peragantur.

16 Curet diligenter, vt recte, ac solide fiant, quæ expedienda erunt; quod si periti iuris consulendi sint, maxime idoneos eligat: idem de cæteris officialibus dictum intelligatur.

17 Conferat cum Superiore, eique reddat rationem eorum quæ facit, & quo in Statu sint negotia, aut ei, quem ille designabit; quod si rerum difficultas extraordinarium fauorem, aut diligentiam exiger videatur, eidem significet, vt auxilia, quæ opportunè visa erunt, petantur.

18 Diligenti cura asseruabit in archiuio ad hoc de signato instrumenta originalia, & titulos, quibus constat de iure eorum, quæ à Collegio possidentur suis locis reposita, vt facile inueniri possint.

19 Seorsum habebit hæc eadem instrumenta, & titulos manu Notarij publici subscripta, vt fidem faciant, si aliquando in iudicio præsentari necesse sit. archiuij autem duæ clauæ diuersæ erunt, quarum alteram Rector, alteram ipse habebit Procurator.

20 Præter hæc, Procurator librum habebit, in quo summa quedam horum instrumentorum, & titulorum contineatur; cum autem contractus maioris momenti, præsertim rerum perpetuarum fient, redigat in memoriam Rectori ad archiuium, quod est in urbe

vrbe penes Præpositum Generalem, eorum exempla authentica mittenda esse.

21 Cubiculum clauis obseratum habeat, & asseruabit scripturas, quibus ad procuratorium munus indigebit; cumque aliquas ex archiuo accipiet, earum in libro, qui in eodem archiuo erit, notato die, mense, & anno, memoriam relinquet quas; cum suo tempore restituet, ex eodem libro expunget.

22 In libellum referet quæcunque à Superiore ipsi facienda iniungentur, ne memoria excidant, & esse etu frustrentur.

23 Intelligat, qui sint illi potissimum, qui beneficia magni momenti in Collegium contulerunt, & eorum catalogum habeat, & Superiorem certiolem faciat; vt iuxta modum professionis nostræ, grati in illos esse possimus.

24 Illud vero præcipue ante oculos habeat, vt antequam litem vllam intendat, res controuersa (si fieri possit) concordia, aut compromissione, consulto Superiore, componatur; si quando tamen necessario ad litem descendendum erit, memor sit, vt magnam pacem interius, exteriusque custodiat, & semper ad istam concordiam se paratum esse contrariæ parti innotescat.






REGVLAE

CONSULTORVM,

ET ADMONITORIS,

cum Formula scribendi.



VENETIIS, M D LXXX.

Cum facultate superiorum.

Fondo librario antico dei Gesuiti italiani
www.fondolibrarioantico.it



Cinquecentina

n. 391

18

Fondo librario antico dei Gesuiti italiani
www.fondolibrarioantico.it

